

6. Վեցերորդ առողւմ որ Կիսարե(ա) վախճանեալ Զալ կարգացել է՝ որ վախճանեցաւ ի Կեսարիայ, որով ստացուում է, իբրև թե Արասը մեռել է Կեսարիա քաղաքում և ոչ թե կեսորեայ (երիտասարդ հասակում):

7. Գարեգին արքեպիսկոպոս Հովսեփյանը, «Պաղարկյանք կամ Պոռոյանք հայոց պատմութեան մեջ», մասն առաջին, էջ 15, անունը գրել է Նանա, իսկ ծանոթութեան մեջ նույն էջում գրում է. «Բայց իշխանունու անունն է այդտեղ (քարի վրա)» Անանե(ներ) դուստր... և այլն:

Վիմ այս արձանագրութեանը գրել է 1187 թվականի տակ, թեև նրա ազրյուրը Զալ-ն է, որ անթվական է թողել: Մյուս հրատարակիչներն էլ անթվական են թողել և չեն էլ որոշել ժամանակը հավանականութեան սահմաններում: Վիմ-ի առաջարկած 1187 թվականը միանգամայն անընդունելի է, որովհետև այդ ժամանակ Արասը, որի մահվանից հետո նրա հիշատակին է կառուցվել կամուրջը, և կանգնեցվել խաչքարը, դեռևս կենդանի էր և նույնիսկ չէր ամուսնացել: Նա ամուսնացել է 17 տարեկան հասակում և 2 տարի հետո էլ 19 տարեկան մեռել է, նշանակում է, նա, ինչպես ճիշտ են որոշել, 1190 թվականին ամուսնացել է և 1192 թվականին էլ մեռել: Դրանից հետո է, որ նրա կին Վանենին իր վաղամեռիկ ամուսնու հիշատակին շինել է տվել այդ կամուրջը (տես Աձ, Անձ. Բո, հտ. 1, էջ 4, Մով, էջ 71—74):

Առավել անհավանական է Սանահնի կամուրջի 1234 թվականին կառուցված լինելը, որ ընդունել են Վ. Հարությունյանը և Ս. Սաֆարյանը իրենց միասին կազմած Памятники армянского зодчества, գրքի 56 էջում, որ լույս է տեսել Մոսկվայում 1951 թ.: Հավանաբար նրանք օգտվել են նույն սխալ ազրյուրներից, ինչից օգտվել է Հ. Եղիազարյանն իր «Ալավերդու շրջանի կուլտուրայի հուշարձանները ուղեցույց» գրքի համար (էջ 17), որ լույս է տեսել Երևանում 1952 թվին: Անկասկած է, որ Վանենին կամուրջը կառուցել է իր ամուսնու հիշատակին, նրա մահվանից հետո անմիջապես և ոչ թե 42 տարի անց:

ԺԳ. Վիմական արձանագրություններ, որոնք չենք տեսել տեղում և մեջ ենք բերում ուրիշների հրատարակություններից:

179. Ս. Գրիգոր Եկեղեցու պատին բարձրուս, որ ընկնում է  
նախագավթի սանիքի մեջ: Տեղն այժմ փակ է եվ արձանագրությունը  
չի երևում: Մեջ ենք բերում Ղրխմեցուց

### Հ ՇԺԲ Մ 1063

Հրատարակված է՝ Զալ 32—33, Ղրիմ 49, Հար 299, Վիմ 24, Մով 48—49

«Ի ՇԺԲ թուին հայոց, ի հայրապետութեանն տեսնն Դէսկորոսի, ի թագաւորութեանն Կիւրիկէի եւ Սմբատայ, ես Հրանուշ թագուհի՝ դուստր Դաւթի արքայի, շինեցի զնշխարատունս եւ զեկեղեցիս. եւ ետու զնորաշէնքս ի Սանահնիս վասն իմ մեղաց թողութեանն եւ իմ եզրարցն արեշատութեան: Արդ, առաջնորդ որ նստի ի Սանահնիս, պարտական է առաջի Աստուծոյ, որ յիմ եկեղեցիս ժամ ինձ առնէ: Եւ եթէ ոք զնորաշէնքն ի Սանահնէս հանէ, կամ զիմ ժամն խափանէ, ի փառաց սր երրորդութեանն եւ յերեք սր ժողովոյն նդովեալ լիցի անլուծանելի»:

Ծանոթություն.— Այս արձանագրութեանը գրադարանի և ս. Գրիգոր Եկեղեցու շինութեանն է վերաբերում: